



Broj: 01-05-38844-88/19
Sarajevo, 25.12.2019. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

Predmet: Odgovor na zastupničko pitanje zastupnika Hameda Aljovića

Zastupnik Hamed Aljović na 14. radnoj sjednici Skupštine Kantona Sarajevo, održanoj dana 30.10.2019. godine, u okviru tačke dnevnog reda „Poslanička/zastupnička pitanja, inicijative i odgovori“, a u skladu sa članovima 211 i 214. Poslovnika Skupštine Kantona Sarajevo postavio je sljedeće **zastupničko pitanje**:

“Molim Ministarstvo privrede KS, da mi odgovori koje mjere će poduzeti da se obustavi organizovana krađa šume na području MZ Tarčin, Općina Hadžići i MZ Rakovica, Općina Ilidža. Sve gore navedeno se odvija u saradnji sa pojedinim radnicima MUP-a i šumarima”.

Odgovor:

Zakonom o šumama Kantona Sarajevo iz 2013. godine, Kantonalne uprava za šumarstvo obavlja i neposrednu zaštitu državnih šuma i šumskog zemljišta te pružaju stručnu pomoć vlasnicima privatnih šuma u pogledu gospodarenja privatnim šumama. Odjeljenje Zapad koje je u sastavu Uprave, obavlja navedene poslove u administrativni granicama općina Hadžići, Ilidža, Novi Grad i Trnovo. Poslove zaštite državnih šuma provode čuvari šuma raspoređeni po čuvarskim rejonima. Iako od početka 2017. godine postoji izražen problem nedovoljnog broja čuvara šuma, od potrebnih 22 čuvara šuma trenutno na raspolaganju je 15 ili 68 %, tako da pojedini čuvari šuma zbog nedostatka uposlenih su zaduženi sa po 2 čuvarska reon. Osim problema smanjenog brojem izvršilaca (čuvara šuma) javlja se i dodatni problem, a to je nedostatak terenskih motornih vozila (m/v). Na raspolaganju je jedno terensko vozilo NIVA, koje se koristi za poslove kontrole/dežura kako u ranim jutarnjim, te kasnim poslijepodnevним ili noćnim satima radnim danima, te u dane vikenda ili praznika.

Na postavljeno pitanje koje se odnose na bespravnu sječu za područje MZ Tarčin, Općina Hadžići i MZ Rakovica, Općina Ilidža, potrebno je istaći da su ista jako otvorena šumskim putnim komunikacijama, da se nalaze u blizini naseljenih mjesta ili vikend naselja kao i da ista graniče i sa HNK i ZDK. Kroz svoj svakodnevni rad čuvari šuma su izloženi raznim verbalnim prijetnjama,



fizičkim nasrtajima i napadima od strane lica (počinilaca) bespravnih radnji. To se prvenstveno odnosi na lica koja su povratnici u činjenju djela šumske krađe ili transporta šumskih drvnih sortimenata, koja iz revolta i dalje vrše bespravne aktivnosti. Zbog gore navedenog, od pripadnika MUP-a tražile su se intervencije na terenu, a dopisom iz juna tekuće godine se tražilo poduzimanje određenih mjera i radnji protiv određenog broja lica. Naime, dostavljen je spisak lica (18 lica sa mjestom prebivališta i vrstom m/v), koji su učesnici/saučesnici u bespravnim sječama i transportu drvene mase. U članu 24. stav 6. Zakona o šumama Kantona Sarajevo je navedeno "privremeno oduzimanje drveta i ne drvnih šumskih proizvoda (zapljena) koji su stavljeni u promet vrše čuvari šuma, pripadnici policije i šumarski inspektor, dok privremeno oduzimanje sredstava kojima je izvršena nezakonita radnja vrše pripadnici policije u skladu sa važećim propisima koji se odnose na krivičnu, odnosno prekršajnu odgovornost".

U 2019. godini na području MZ Tarčin (kako je navedeno u postavljenom pitanju) protiv počinilaca bespravnih sječa i transporta drvene mase podnesene su 49 prijave za 176,14 m³ drvene mase. Od navedene količine 163,75 m³ drvene mase je izuzeto i predato KJP "Sarajevo-šume". Neophodno je navesti, značajna količina drvene mase se transportuje iz HNK za Sarajevo, bez potrebne dokumentacije obzirom da HNK od 2011. godine nema zakon koji reguliše oblast šumarstva. Prema tome, sječa i transport drvene mase koja se provodi na području HNK u privatnim i državnim šuma je protuzakonita.

Za bespravnu sječu i transport drvene mase na području MZ Rakovica, Općina Ilidža, podnesene su ukupno 42 prijave u količini od 337,47 m³. Izuzeta i predata drvena masa KJP "Sarajevo-šumama" iznosi 40,50 m³. Na ovom području se javlja druga vrsta problema, a odnosi se, da pojedini vlasnici privatnih šuma ne podnose zahtjev za doznaku i sječu stabala u privatnim šumama ili u pojedinim slučajevima daju punomoć licima da u njihovo ime vrše sječu, ali bez potrebne dokumentacije (dokaz o vlasništvu). Pojedini vlasnici tada sa licima koja se bave bespravnim sječama vrše sječu drvene mase u svom posjedu i istu stavljanju u promet. Tom prilikom su podnesene 23 prijave u količini od 279,84 m³. Kao glavni razlog vršenja sječe vlasnika privatnih šuma su intezivne prodaje njihovih posjeda licima za izgradnju vikend naselja. Stoga, prilikom kupovine posjeda kupci izjavljuju da ne žele drvenu masu već ih interesuje samo zemljište, odnosno lokacija za izgradnju. Drugi problem predstavljaju lica koja vrše bespravnu sječu sa područja Općine Visoko, mjesta Goduša i Ratkovci, koja su u graničnom dijelu sa općinom Ilidža. O navedenom su obaviještavani predstavnici MUP-a ZDK, PS Visoko, ali do sada nije ostvarena potpuna suradnja po navedenom pitanju. Čuvari šuma su o svemu obaviještavali i predstavnike MUP PS Ilidža.

Ministarstvo privrede-Uprava za šumarstvo je 2012. godine sačinilo "Operativni plan zaštite šuma od bespravnih aktivnosti na području Kantona Sarajevo", u kojoj je navedeno da se ista provodi kroz koordinirano djelovanje sa MUP-a Kantona Sarajevo, Kantonalnom upravom za inspeksijske poslove i KJP "Sarajevo-šumama". Ovim planom su definisani strateški ciljevi: bespravne sječe, bespravni transport drvene mase i nelegalne rezne jedinice.

Od svih gore navedenih podršku u sprečavanju bespravnih sječa imamo samo od predstavnika MUP-a, i to u dijelu kada se vrše kontrole prevoza tereta kao i prilikom izuzimanja drvene mase.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1




O provedenim mjerama dostavljani su redovni godišnji Izvještaj realizacije Operativnog plana Vladi Kantona Sarajevo na usvajanje. Tako je i u 2018. godini dostavljen Izvještaj o stanju šuma i šumskog zemljišta kao i o provedenim mjerama na zaštiti šuma od bespravnih aktivnosti na području Kantona Sarajevo.

S poštovanjem,

Dostavljeno:

- ① Naslovu,
2. Vladi Kantona Sarajevo-na znanje,
3. Evidenciji,
4. Arhivi.



MINISTAR
Haris Bašić



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

